



8. august 2024

UKA 2024/130

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Kommunit nutaamik agguataarlugit aaqqissuunneqarnissaat pillugu Naalakkersuisut UPA2025-mut agguaassassamik nalunaarusioqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

**Tungavilersuut**

Kommunit aaqqissuussaeneri nutartertariaqalerpagut. Piffissanngorpoq innuttaasut naalaarlugit nutaamik aaqqissuussinissamut suliaq aallartinnissaa. Innuttaasut kommuniminni naammagisimaarnerattut allanngortinneqarnikoq siunnersuutigini kuusarput ilanngullugu, uani nalunaarusiortitseqqulluta misissuinissamut paasisimasat aamma atorneqassapput tulluarsaanissamut.

Tamat oqartussaaqataanerit illersortuartariaqarparput qulaaniillu aqutsinerujussuaq millisarlugi, taamaammat pingaaruteqarluinnarpoq uani nalunaarusiassami kommunit innuttaasullu pineqartut tusarniarneqarnissaat. Nalunarpormi ilumut kommunitoqqat toqqaannartumik utertiinnarnerisigut aaqqiisoqarsinnaanersoq, qilanaarutigaarputtaaq uani suliamut aamma ilanngullugu siunnersuutigisimasarput, tassa kommunitoqqat ullumikkut utertinneqassappata aningaasaqarnikkut qanoq kinguneqartitsissanersoq paaserusunnikuugatsigu.

Nalunaarusiamilu kissaatiginarpoq agguataarinerit assigiinngitsut periarfissatut qulaajarneqarnissaat, pitsaaqutaasut ajoqutaasinnaasullu, innuttaasut eqqarsaatigalugit, aningaasaqarnikkut kingunissai, kiisalu aqutseriaatsikkut eqaannerpaamik sumiiffinni iluaqutaasinnaasumik periarfissaasut saqqummiullugit.

Inatsisartoqatikka suleqatiserassai, innuttaasut naalaartigit massakkullu alloriaatissaq siulleq aallartillugu.

**Aningaasatigut ingerlatsinikkullu pisortanut kingunerisassai:**

Naatsorsuutigineqassaaq nalunaarusiornissaq AC-Fuldmægtigep ukiut marlunnik siviutigisumik suliarineqassasoq, tamannalu 1.000.000kr-mik naleqarnissaa naatsorsuutigineqarpoq.



**Namminersortunut aningaasarsiornikkut allaffissornikkullu kingunerisassai:**

Soqanngilaq.

**Innuttaasunut aningaasarsiornikkut allaffissornikkullu kingunerisassai:**

Soqanngilaq.